

(按此業多屬客人。學徒均一年畢業。其藝日見退化。)

女工。居留暹羅之女傭人數。與往年比較。十減其四。往年暹京當百事待舉之秋。稍有職業及有眷屬者。用女傭者七八。加以煙花之盛。在在需人。為女傭者。每月工資由十五至二十末為最多。三十末者不見視矣。然女傭之紅利甚多。故積蓄頗厚。年來商場冷淡。相繼辭退。比比皆是。女傭轉而至他埠或返國內者頗眾。以廣州人為多云。

零散工人。零散工人。各屬之人均有。散居埠上。無隔宿之糧者。十居其六。衣服不完者又居其半。凡火車站及輪船來往之地。此等工人。祇可挑攜笨重之物。故所入僅可糊口。間有為人僱往搬遷屋舍者。所入之利較優。然或僅能支持一二日耳。大約此類工人。約有八百餘名云。

洗洋衣與護嬰兒之婦人。婦女受僱洗洋衣與護嬰兒。在西人宅中受職者。其數未詳。洗洋衣者。工資每月由二十五末至三十末四十末左右。護嬰兒者之工資。月中可得二十末至二十五末。然工務較閒云。

暹羅華僑之畜牧與農業概況

畜牧者之狀況。華僑之業畜牧者。為數甚多。自衛生局取締在舖內豢豬之後。京畿附近之田園。多為畜牧者所租賃。豢豬者多廣肇及客籍人。潮籍之人尤多。然養鵝鴨又為潮人所獨操。至于養雞。暹京無大畜牧場。雞之來源。皆由內地各省輸運至者。瓊人多經營此宗事業。內地猶隻。柯叻省甚盛。其他各省亦多。此等利益。暹人均佔多數。至牧畜工人。終歲勤勞。每日採取生菜與植物能滋養牲口者。日出而作。日入而息。去年米糖較平。牲口價值亦不甚低落。加以畜疫亦不發生。故業畜牧者。間有因此而致富焉。

園圃事業。暹羅地氣溫和。植物繁生。暹人僅能對於禾田事業操作。而園圃一藝。多為華僑經營。然業此者。除潮籍人而外。未見有何屬人為之。第年來客籍人多有從事於園圃者。廣屬人又次之。業種靛青。頗獲利益。而從事瓜業者。亦每有致富焉。此固由勤儉積蓄而成。歐戰以後。星洲仰給菜蔬甚多。改業此者。利市三倍。去年各人大事擴充。而銷路頗為滯澀。所幸輪船往來。日

見其多。故市情亦日上云。

佃戶。暹羅國十八省區域。平陽地面。佔其七。高山小坵。佔其三。內地林木之大。有縱橫數十里者。年來田疇開闢。倍于年前。第為河道所限。農家必賴天雨。然後種禾。至禾熟收穫之時。有在十二月間者。氣候各異。然皆視雨水遲早為標準。佃戶之民。土人佔七八。餘則華僑。農務簡易。與中國大異。故所耕之畝數。多倍於中國。去年各省禾穀頗豐。新穀登場。農民貯穀以待。非新穀登場後。舊穀不易放手。故內地農戶。以貯穀多寡而定貧富云。

華僑之私派

南洋羣島華僑。閩籍居其大半。粵次之。他省則甚少。其冒險南渡原因。約分四期。(一)明太祖鄭和巡視南洋。閩人多為隨員任水手。遂移殖於荷屬瓜哇等處。(二)鄭成功兵敗。其部下奔走南渡。遂繁殖於英屬麻六甲等處。(三)清末閩人為經濟所迫。相率南渡。從事墾植。(四)近來閩中富戶。因官僚軍閥之騷擾。挾資南來。以圖發振。蓋以(一)(二)兩項樹其根。(三)(四)兩項結其果。遂成今日偉大之事業云。

其中有所謂私派者。亦根諸歷史所產生。動即以白刃相見。蕭鐵橋君撰私派改造一文。堪為若輩之指針。特轉錄如下。閱者亦因得南洋私派之內容。而急圖所以改造之。

近年華僑各團體中。有所謂私會者。乃洪門中之各支派。即潮俗所謂「洪字」者是也。夫洪門以光復漢族為職志。其宗旨固屬正大。但其結合純出於秘密。非若各普通社團。可以明向政府。呈請立案。故外人對其團體。以私會稱之。若然則警視此種私會者。僅當時佔據我中國之建虜。及其奴隸。我僑人曷為而亦詬病之。則以在居留地之此種私會。久已失洪門反清復明之宗旨。惟知包賭包娼。日事警殺。以擾亂地方。為害我僑胞。是故為我旅暹僑胞計。為地方安甯計。為祖國榮譽計。則對於此種私會。不可不亟思所以改造之也。夫暹地之各派私會。皆以洪字為標榜。故吾今且先略舉洪門之來歷。及其規則。以告私會中人。使知其現今所為。大背洪門宗旨。苟長此不改。則不但為中暹國法所難容。且亦無以對洪門先烈在天之靈矣。

自朱明鼎革。中華大好山河。淪於異族。我國民族大家。延平王(鄭成功)乃獨立於全廈。以延漢統。時虜鐵方熾。中國版圖。盡屬